

## گنوی وی پھیڈ نی مثال

1 اک دیہاڑے بھوں سارے ٹیکس کینہنے آلے  
15 لوک تے دُوئے غنہگار لوک حضرت عیسیٰ

کول تعلیم سُننے واسطے اچھٹے ہوئے سن۔<sup>2</sup> پر فریسی فرقمے  
نے لوک تے شریعت نے علماً انہاں کی تکی کے خفا ہوئی  
کے آخترے سن، ”اے بندہ تے غنہگار لوکاں نال دوستی  
کرنا اے بلکہ انہاں نال بھی کے کھاٹا پیٹا وی اے!“

3 حضرت عیسیٰ انہاں نیاں اے گلاں سُنیاں تے مثال دیئی  
کے آخیا،<sup>4</sup> ”فرض کرو تُساں وچوں کُسے بندے نیاں سو  
پھیڈاں ہون۔ انہاں وچوں اک پھیڈ گنوی جائے، تے او گے  
گرسی؟ گے او ننانوے پھیڈاں اُتھے ہی چھوڑی کے اپنی  
اُس گمی وی پھیڈے کی لوڑنا نی رینا، جدوں تک کہ  
اُس کی او لبھی ناں جائے؟<sup>5</sup> تے جیہڑے ویلے اُس کی  
او پھیڈ لبھی جائے، تے او بندہ خوشی نال اُس کی اپڑے  
مونڈھیاں اپر چائی کے<sup>6</sup> گہرے در آنا اے۔ کہہار پھنچی  
کے اپڑے گوانڈیاں تے دوستان کی بُلائی کے آخٹا اے،  
'سارے مہاڑے نال ملی کے خوشی مناؤ، کیئانکہ مکی

اڀڻي گنوي وي پهيڏ لبهى گئي آءِ۔<sup>7</sup> اسے طرح ننانوے پريزگار لوڪاں نرے مُقابلے وچ جنهاں ڪي توبه ني لوڙ ني هوڻي، اڪ غنہگار بنده جيھڙے ويلے اڀڻے غنابواں تُون توبه ڪرڻا آءِ، ترے آسماناں اڀر زياده خوشي منائي جاڻي آءِ۔“

## گنوي وے سڪے ني مثال

8”اسے طرح گدے کُسے جنائي ڪول دس دينار هوڻ ترے اُنھاں وچون اڪ کُسے نهيرے آلي جغه وچ گنوي جائے، ترے او گے ڪرني آءِ؟ گے او بتي بالي ڪے سارے گهرے وچ ڪهس پهيري ڪے لوڙڻ ني لغى، ترے جيھڙے ويلے تک اُس ڪي لبهى ناں جائے، ڪونه ڪونه چهاڻي مارني آءِ؟<sup>9</sup> ترے فر جيھڙے ويلے اُس ڪي او سڪه لبهى جاڻا آءِ، ترے او اڀڻے ساريان گوانڏناں ترے سهيليان ڪي بُلائي ڪے آخڻي آءِ، ’ساريان مهاڙے نال ملي ڪے خوشي مناؤ، ڪيئانڪه مڪي گنويا وا سڪه لبهى گيا آءِ۔‘<sup>10</sup> ميں تُساں ڪي دسي شوڙاں، اسے طرح

جیہڑے ویلے کوئی غنہگار بندہ اپڑے غناہواں تُوں توبہ کرنا اے، تے اللہ تعالیٰ نے فرشتے وی خوشی منائے اٹ۔“

## گنوں وے پترے نی مثال

11 فر حضرت عیسیٰ اُنہاں کی اک ہور مثال سُنائی،  
 ”کسے بندے نے دو پتر سُن۔ 12 نِکے پترے اپڑے پیو  
 کی آخیا، ’اَبّا جی، جائیداد وچوں جیہڑا حصّہ مہاڑا  
 بٹنا اے، او مکی چائی دیو۔‘ اُس بندے کے کیتا  
 کہ ساری جائیداد اپڑے دواں پتراں کی بندی شوڑی۔  
 13 تھوڑے دیہاڑیاں بعد نِکے پترے اپٹا حصّہ بیچی شوڑیا،  
 تے رُوپے ہٹی کے کدرے دُور تری گیا۔ اُتھے جائی  
 کے اُس اپٹی ساری دولت فِضول خرچی وچ ضائع کری  
 شوڑی۔ 14 تے جیہڑے ویلے اُس نی ساری دولت ختم  
 ہوئی گئی سی، تے اُس مُلخے وچ سَخْت قحط پئی گیا۔  
 ہُن او مُحتاج ہوئی گیا۔ 15 فر اُس کے کیتا کہ اُتھے نے  
 اک مقامی بندے کول نوکری کرنے واسطے تری گیا۔ اُس  
 بندے اِس کی اپڑے سُور چارٹے واسطے باڑیاں وچ پیہجی

شوڑیا۔ 16 اُس کی اتنی پُہکھ لغٹی سی کہ اُس نا دلِ آخٹا  
 سی او پھلیاں جنہاں کی سُور کھائے اٹ او ہی کھائی  
 کینے۔ پر اُس کی او وی کھائے نی اجازت نی سی۔  
 17 اِس حد کی پھنچی کے اُس کی ہوش آئی۔ او سوچنٹ  
 لغا، ’مہاڑے پیؤ نے نوکراں کی وی رچی کے روٹی لبھٹی  
 اے، تے میں اتھے پُہکھا مرنا پیا آن! 18 اتھوں جُلاں،  
 تے جائی کے اٹھے اَبو کی آخاں، ”اَبو جی، میں تُساں  
 نا وی غنہگار آن تے اللہ تعالیٰ نا وی غنہگار آن۔ 19 میں  
 اِس قابل ناں ریا کہ تُساں نا پُتر آخواں۔ پر مہربانی کری  
 کے مکی اپنا نوکر سمجھی کے ہی رخی کینو۔“ 20 اے  
 گل سوچی کے اٹھیا تے اٹھے پیؤ نے گہرے دَر ٹری پیا۔  
 او آلیں دُور ہی سی کہ اُس نے پیؤ اُس کی تکی کیندا۔  
 پیؤ کی اُس اپر اتنا ترس آیا کہ او دوڑی کے پُترے کول  
 آیا، تے اُس کی گلے نال لائی کے پیار دیٹ لغی گیا۔  
 21 پُترے آخیا، ’اَبو، میں تُساں نا تے اللہ نا غنہگار  
 آن۔ میں اِس قابل ناں ریا کہ تُساں نا پُتر آخواں۔‘

22 پر پیو اپنے نوکراں کی آخیا، 'فٹا فٹ جائی کے سوہنے  
سوہنے کیڑے آئی کے اس کی لواؤ۔ اک چھاپ تے  
بوٹ وی اس کی لواؤ۔' 23 اس نے اچھٹے نی خوشی وچ  
اک تغڑا جھپا بچھہ کوہی کے دعوت نا انتظام کرو۔

24 اے مہاڑا پتر تے مُردہ ہوئی گیا سی، پر ہن اے ڈوئی  
واری زندہ ہوئی گیا اے! اے گنوی گیا سی، پر ہن اے  
لبھی گیا اے! 'فر انہاں ساریاں ملی کے خوشی منائی۔

25 اس دوران اُس بندے نا بڑا پتر باڑیاں وچ پیا کم

کرنا سی۔ جیہڑے ویلے او کھرے در مڑی کے آیا  
تے اسی اپنے کھروں نچٹے گاٹے نی آواز آئی۔ 26 اُس  
اپنے اک نوکرے کی بلائی کے پُچھیا، 'اندر گے پیا  
ہوٹا اے؟' 27 نوکرے اسی جواب دتا، 'حضور، تُساں

نا پہرا مڑی کے آئی گیا اے۔ تُساں نے پیو انہاں نے  
صحیح سلامت مڑی کے اچھٹے نی خوشی وچ تغڑا  
جھپا بچھہ کوہی کے دعوت نا انتظام کروایا اے۔'

28 اُس اے گل سٹی، تے اسی بہوں غصہ چڑھی گیا۔ اُس  
اندر جائے توں انکار کری شوڑیا۔ پیو کی اس گل نا پتہ

لغا، تے او آپوں باہر آئی کے بڑے پترے کی راضی کَرٹ لگا۔  
 29 پر اُس اپٹے پیو کی آخیا، ’اَبو جی تکو نا، میں کِتنے  
 عرصے تُوں سخت محنت نال تُساں نی خِدمت پیا کرنا!  
 گدے وی تُساں نے حُکم تُوں پچھے نا ہٹیا۔ پر تُساں  
 مکی گدے اِک بکرا وی نی دِتا تانکہ میں اپٹے سَنگیاں  
 کی بُلائی کے خوشی مَناں! 30 پر جیہڑے ویلے تُساں نا او  
 پتر آیا اے، جس تُساں نا سارا مال بُریاں جنائیاں اپر ظائع  
 کیتا اے، تے اُس واسطے تُساں تَغڑا جہیا بچھہ کویا!‘  
 31 پیو اُسی آخیا، ’پتر، تُوں تے ہمیشاں مہاڑے کول  
 ہی این ویں۔ مہاڑے کول جو کُجھ اے، او سارا  
 تہاڑا ہی اے وے۔ 32 پر اے گل تے ضروری سی  
 کہ اَساں سارے خوشی مَناں کہ تہاڑا او پہرا جیہڑا  
 مُردہ ہوئی گیا سی، ہُن دُوئی واری زندہ ہوئی گیا  
 اے۔ اے گنوی گیا سی، ہُن اے لبھی گیا اے۔‘

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر  
کیتا۔ اسان نا دلی مقصد اے کہ اس پیغام کی پھیلا یا جائے۔  
اسان خوشی نال عیسیٰ المسیح نے بارے وچ تُساں نال گل  
کرساں، یا تُساں نال دُعا کرساں، یا تُساں نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>